

近代著名

圖書館館刊

薈萃三編

北京圖書館出版社

本社編

近代著名

圖書館館刊薈萃三編

北京圖書館出版社

蘇學
研究
PDG

第九冊目錄

江蘇省立國學圖書館館刊
第九年刊(續)

遺書

丹徒柳翼南先生遺稿 柳榮宗.....一

尚書解詁舉陶謨以下殘.....一

洛誥訂詁.....三七

尚書解.....四二

涉四山房雜著.....一〇八

附錄 史傳及跋.....一二五

目錄

陶風樓藏拓本影片目 汪 閻.....一三一

陶風樓藏清季江寧局署檔案目錄(卷三、四) 陳兆鼎.....二五一

題跋

本館新印書題跋輯錄.....四五九

盧抱經增校附諸家校補詩考跋 (柳詒徵).....四五九

雙花閣詞鈔跋 (柳詒徵).....四六〇

重校刊古經解鈎沈跋 (柳詒徵).....四六〇

靳文僖公戒庵文集跋 (柳詒徵).....四六一

表格

本館歷年藏書統計表.....四六四

二十四年全館工作報告表.....四六七

概況

二十四年度各部概況.....四六九

總務概況.....四六九

保管部概況.....四七三

本館圖書統計表.....四七五

二十四年度藏書統計表.....四七六

二十四年度善本書庫修補裝訂書籍工作表.....四七七

二十四年度普通書庫修補裝訂書籍工作表.....四七八

編輯部概況.....四七九

閱覽部概況.....四七九

二十四年度閱覽數量統計表.....四八〇

二十四年度閱覽書類統計表.....四八二

二十四年度閱覽人性別職業統計表.....四八二

二十四年度善本書庫閱覽統計表.....四八三

二十四年度普通室閱覽統計表.....四八四

附特種借書規約.....四八五

傳鈔部概況.....四八六

二十四年度傳鈔種冊葉片數工作報告表.....四八八

二十四年度傳鈔字數工作報告表.....四八九

二十四年度託南潯嘉業樓浙省圖書館傳鈔工作稽核表.....四九〇

二十四年度傳鈔經費收支一覽表.....四九一

附傳鈔簡約.....四九二

訪購部概況.....四九三

印行部概況.....四九四

歷年印行統計表	四九六
附寄書籍簡約	四九七
簿錄及紀事	
善本書庫入藏圖書登記	四九九
訪購部購置圖書登記	五〇三
附記	五二三
購置雜誌日報登記	
本館印行人庫書籍	
本館傳鈔入庫書籍	
本館攝影入庫照片	
本館自拓及由本館所藏檔案中提出人	
庫之金石拓片	
保管部收到贈送交換圖書登記	五三一
閱覽部收到贈送公報雜誌日報登記	五七一

紀事	五八一
案牘	
二十四年度案牘輯錄	六〇五
江蘇省立國學圖書館館刊	
第十年刊	
民國二十六年十月	
目錄	六六二
插圖	
本館全體同人攝影	六六八
本館建築新書庫平面圖	六六九
撰著	
江蘇藝文志稿(續)	六七一
金鉞	

丹徒柳翼南先生遺稿

尙書解詁

柳榮宗

堯典第一

虞夏書一

尙書

典从册在丁上尊閣之也一曰大册也古文爲𠔁說文二說文典經也常也釋言謂簡策所載皆經常可行

之道也古蓋謂帝典爲尙書夏商周書遂并稱焉非孔子尊而命之也墨子明鬼篇云尙書及書其次商周之書

書贊謂孔子尊而命之曰尙書非也書疏謂馬鄭書題如此今依用之

曰若稽古帝堯曰放勳欽明文思安安允恭克讓原稿此四字書眉有經安下脫允恭光被四表格于上下

曰或爲粵李善文選東都賦粵靈光殿賦注均引此經皆作粵審慎詞也說文于若順釋詁稽同古天也詩商頌長發疏引尙帝者天號也堯

順動同天故號令臣下之稱曰帝白虎通德合元者稱皇合天者稱帝仁義合者稱王何休公羊成八年故

皇者同元帝者同氣王者同義智彌精者同彌精呂覽應蓋取諸六天五行之號也天皇帝合北辰五帝座

於四季大帝稱皇五帝稱帝五行稱王是皇帝王之號取諸此也堯號謚也堯者高也饒也言其隆興炳煥最高明也大傳上世質直以生號

爲死謚故謚法曰翼善傳聖曰堯本白虎通論篇文號篇則以先帝後堯者帝尊而號謚卑也本春秋繁露三代

放勳堯名勳古文爲勳見說文威儀悉備謂之欽逸周書所謂芒芒昧昧因天之威與元同氣者也呂覽

文照臨四方謂之明所謂虛一而靜謂之大清明萬物莫形而不見莫見而不論莫論而失位者也荀

解蔽篇文論知也

其質經之以天緯之以地煥乎其文矣性文故其行合於天六地五之數而文矣約周禮天不語文體天不

已故其心至誠專密道德純一淵乎思矣是以就之如日望之如雲晏晏然如天地之寬容覆載矣今

文思爲塞安安爲晏晏

後漢書馮衍傳注引考靈曜曰放助欽明文憲晏晏並引鄭注云道德純備謂之塞寬容覆載明之晏今文尙書也

允信克能也釋詁釋言文此言堯處崇高

之事孔子曰富而不驕貴而不豫

大戴禮五帝德篇文謂是也光充也

釋言或爲橫或爲廣

後漢書引用此經或作橫或作廣光禮合文嘉及唐扶頤俱作廣

被加也

廣雅釋詁文

或爲彼

靈臺碑說文有部往有所加也

四表荒外也

靈臺碑云廣彼之恩流荒外兮

格至也

釋詁

或爲假

說文人部引作假

于者自此至

彼之詞薄徧所及曰光貫通所至曰格上下謂天地四表言被德加民物也上下言于德及天地也

克明俊德以親九族九族既睦平章百姓百姓昭明協和萬邦黎民於變時雍

俊大也

夏小正或爲峻見大

今文爲訓

史記作馴德徐廣曰古訓字今文尙書也

訓德謂順五品之德言堯能明義慈友恭孝之大德

故大學說曰自明也以用意已實也

說文已部文

九族者古尙書說從高祖至元孫凡九皆同姓歐陽說九

族乃異姓有屬者父族四五屬之內爲一族父女昆弟適人者與其子爲一族己女昆弟適人者與其

子爲一族己之女子子適人者與其子爲一族母族三母之父姓爲一族母之母姓爲一族

此下原稿魁一句妻

族二妻之父姓爲一族妻之母姓爲一族

左氏桓六年傳疏引許慎五經異義文

夏侯說同族者湊也聚也恩愛相流湊也生

相親愛死相哀痛有會聚之道故謂之族九之爲言究也親疏恩愛究竟

白虎通宗族篇文

今文說是一說合言

九者欲明堯時俱三也禮父族四者言周承二弊之後民人皆厚於末是以貶妻族以附父族也言九

據有交接之恩若那侯之姨單公惟私也言四者據有服耳不相害所異也

白虎通宗族篇說九族亦云父族四後載一說如是

言之堯時所有之妻族一蓋妻之女昆弟一族也所無之父族一以母妻族例之皆及己身而止蓋不

數已女子子適人者與其子之一族也周據有服而增之雖異堯時而義不相害也堯時九族其定此

乎既盡也

公羊桓三年傳文

陸敬也

說文目部文

平便也或爲辯

史記作便章案明也後漢書劉位傳作辯章注引鄭注云辯別也原稿此條在章明也下似應移在章明也

句百姓畿內臣庶也姓者生也人之有姓者所以崇恩愛厚親親遠禽獸別昏姻也故紀世別類使生

相愛死相哀同姓不得相娶皆爲重人倫也姓者生也人稟天氣所以生也故古者聖人吹律定姓以

紀其族人含五聲而生聲有五音宮商角徵羽轉而相雜五五二十五轉生四時異氣殊音悉備故姓

有百也

白虎通宗族文

協名姓者有司商之官

見周語

前此世類不詳堯以九族之親爲之辯別使姓氏昭明易曰

天與火同人君子以類族辯物此之謂也協合也

史記云合和萬國

或爲叶

王充論衡藝增篇作叶

和猶宣也

音相近

邦或爲國

漢人引用皆作國黎衆時是雍和也

釋帖文

變或爲蕃或爲卞

漢書成帝紀引作蕃孔宙碑引作卞

言合親族辯姓之道從內及外周達天

下衆民於是變化用是大和一曰時雍謂其時雍和也天下之動貞夫一者也故自天子以至于庶人

壹是皆以脩身爲本堯明俊德以及九族九族百姓萬邦衆民由本達末原始及終一以貫之也

乃命羲和欽若昊天曆象日月星辰敬授人時

乃難詞也

夏小正文公羊宣八年傳文

急詞也

穀梁定十五年傳文

無怠無緩慎重之至也欽敬若順也出君下臣名曰命

蔡邕獨命斷文

者天之令

文選長楊賦注引元命苞文

尊君令故謂之命義和卽下四子也黃帝時命義和占日

見呂覽勿躬篇

此其後也蓋卿

官春秋傳曰日官居卿以底日

左桓十七年傳文

王者承天布政盡己性盡人性盡物性贊化育參天地莫不以

順天爲首事天之威無不敬也故以順動日月不過而四時不忒象天能敬斯能順天人事順於天

道順於上此天人之際答應之道故以欽若總敕義和歐陽說云春曰昊天夏曰蒼天秋曰旻天冬曰

上天總爲皇天古尙書說云天有五號各用所宜稱之尊而君之則曰皇天元氣廣大則稱昊天仁覆

愍下則稱旻天自上臨下則稱上天據遠視之蒼蒼然則稱蒼天

見周禮大宗伯疏引異義文

曆數也

釋詁文

象天象也

春秋說曰堯曆象日月璇璣玉衡

藝文類聚引白虎通聖人篇亦云

然則星謂斗建也辰北辰也數所以紀度道歲時氣

候日辰者也春秋傳曰物生而後有象象而後有滋滋而後有數是數起於象也象莫大於日月星辰

周天三百六十五度四分度之一一度二千九百三十二里千四百六十一分里之三百四十八

考靈曜

日日行一度月一日行十三度十九分度之七所以分晝夜寒暑而成四時者也斗振天而進

太玄文振動也斗衡

隨天左回故言進

所以平氣立常布度定紀而建四時者也北辰居位不動所以轉舒天心吐納元氣動日月星

而正四時者也觀其行度陰陽消息之象而數以起焉謂之歷者以日月斗所經歷也天明威故順天

言欽民事不可緩故授時言敬敬者肅警自急救也

劉熙釋名乃說文義

時者期也陰陽消息之期也

白虎通四時文

大傳

曰主春者張晉中可以種穀主夏者火晉中可以種黍主秋者虛晉中可以種麥主冬者昴晉中可以

收斂蓋藏田獵斷伐當告乎天子而天子賦之民故天子南面而視四方星之中知民之緩急急則不賦籍則不舉力役故曰敬授民時此之謂也

分命羲仲宅嵎夷曰暘谷寅賓出日平秩東作日中星鳥以殷中春厥民析鳥獸孳尾

分命申命者重其事也今文宅皆爲度鄭注周禮縫人引度西曰柳殺度者測日景也嵎當爲隅說文土部引作隅顧野王玉嵎

夷今文爲禺鐵鐵或爲鉞讀皆從夷也暘今文爲暢見史記夏本紀索隱及說文山部暘日出也古文說嵎夷在冀州暘

谷立春日日值之而出今文說禺鉞暘谷在遼西見說文土部寅敬也釋詁賓讀爲賓道也日發斂一周物之

生長收藏繫焉日當春過赤道而北地中之陽隨日出地以生物故曰出日今文平皆爲辯見鄭注周禮

平皆作辯秩序也廣雅釋詁文今文爲麟東動也說文日部作生也詩天作毛傳文東作謂萬物觸地而出也風俗通祀典篇天氣

三微而成一著三著而成一體易乾鑿度文命羲仲敬迎此出日而致之辨別物候之次序以助天生日中

春分也星鳥南方土宿朱鳥也殷猶和也天地之氣莫大於和和者陰陽調日夜分而生物春分而生

秋分而成必得和之精淮南本經文故先言東作後言日中也於時七星昏中於南方故繼日中言星鳥也

天有兩和以成二中北方之中合陰而物始動於下南方之中合陽而物始美於上其動於下者不得

東方之和不能生仲春是也其美於上者不得西方之和不能成仲秋是也故以日星爲紀定春秋之

和和則氣得其平物得其序無不順矣四時皆倚物象以立名春之言蠢也出也鄉飲酒義謂萬物蠢動

而出也厥其也析謂散布在野耕者少舍也今文孳尾爲字微見史記言鳥獸之字乳尙微也天地之合

和陰陽之陶化萬物皆乘人氣者也故民者神之主也辯物候察日星順時布政所以動天地之氣以和民氣也故亦順時居處勿使有所壅蔽湫底則疾疫不作而民氣和民氣和則天地之和應故鳥獸殖而無妖祥

申命羲叔宅南交平秩南訛敬致日永星火以正仲夏厥民因鳥獸希革

申重也

釋詁文

南交交趾也墨子曰昔堯治天下南撫交趾北降幽都東西至日所出入莫不賓服天陽

施而陰化時至夏陰氣助陽陰任於中陽包於外物亦水然盛及時而化故曰南爲南任也白虎通五行文任

猶孕育也訛本作爲

見史記堯本紀索隱

今文作僞見周禮馬相氏注引古字通化也命羲叔測日景於南郊辯序物之長養以

助天養致謂致日致至也極也

鄭注禮器文

春分日在夔秋分日在角陰陽會謂之和夏至日在東井冬至

日在牽牛陰陽生謂之中以晷視其景而究極之以驗其氣之至否所以致中和也是故陽之行始於北方之中而止於南方之中陰之行始於北方之中而止於南方之中中者天地之太極也日月之所至而却也長短之隆不得過中天地之制也中之所爲而必究於和中和者天之用也和者天之功也繁露

循天之道文

究極中和則陰陽不錯天地得其正位焉生成得理萬物得其生育焉故德莫大於和而道莫

正於中中爲大本故次敬致之文於是而四時之同可知永長也

釋詁文

日永謂夏至火大火心也夏至

之昏火星中因就也說文大部謂就高也月令仲夏之月可以居高明順陽在上也夏之言暇也大也其氣

寬暇使物大盛也希疏革更也說文革部盛陽外發故鳥獸毛羽希疏更易往前

分命和仲宅西曰昧谷寅餞納日平秩西成宵中星虛以殷仲秋厥民夷鳥獸毛毼

分或爲申史記作申今文也古尙書昧或爲弔今文爲柳古大篆弔柳同字見三國志虞翻傳注今文谷爲穀見周禮柳之言

聚諸色所聚日將沒其色赤兼有餘色故曰柳穀經人注餞送也古文爲淺丁度集韻引馬融傳古字通納入也今

文爲入御覽引大傳作入日常秋過赤道而南地中之陽隨日入地以納萬物故曰納日西鮮也鮮訊也訊者始

入之貌大傳成就也萬物被肅殺之氣而入莫不成就也命和仲測日景於柳谷敬送此入日而致之

辨敍物候之成就者以助天收宵夜也釋言宵中謂秋分春爲陽中故言日秋爲陰中故言夜宵之言

消也見陰消陽也秋之言就也愁也萬物就成秋而入也釋名大秋分之昏虛星中夷平也說文謂去高

居平地今文毛爲毼毼毛盛也毼之言選也仲秋鳥獸毛盛可選取以爲器用讀若選周禮司裘注引作毼說文毛部作毼

毼爲毼之脫毫爲毼之誤蓋今文如是

中命和叔宅朔方曰幽都平在朔易日短星昴以正仲冬厥民與鳥獸毼毛

朔方北方釋詁朔盡也蘇也書疏引舍人萬物盡於北方蘇而復生故謂北方爲朔方明陽消更生也幽

闔都聚也高誘淮南子在察也釋詁朔始也大傳萬物終於北即始於北其氣改易伏藏不見命和叔辯察

之以助天藏大傳曰天子以冬命三公謹蓋藏閉門闔固封竟入山澤田獵以順天道以佐冬固藏也

見御覽百廿六

日短冬至也於時昴星昏中於南方冬之言終中也物方藏於中也隕內也

文選緒白馬賦注引鄭注

謂民避

寒入室處也盛陰外包陽畜於內故鳥獸皆生粟彘細毛以自溫焉

說文見說文

帝曰咨汝羲暨和期三百有六旬有六日以閏月定四時成歲允釐百工庶績咸熙

咨嗟也重其事形於聲暨與也其當爲稙

說文木部

謂日周天一而復其始之時也或爲歲

史記堯本紀漢書律曆志

周天

三百六十五度四分度之一日行一度是三百六十五日四分之一爲一稊六日者言其成數閏者

附月之餘日積分而成於月者也

穀梁文十三年文

定正也歲之言遂也越也萬物各畢成而越故限也

白虎通四時劉熙釋

名日月合朔而爲月積三月而爲時四時凡三百六十日又率大者六月小者六月於歲少十一日強

必置閏以通之然後四時正而成歲允之言以也釐飭工官

史記文

庶衆績功咸皆熙興也

並釋詁文今文熙爲

唐扶頤致治應嘉

說曰美也或爲喜

劉秦美新膠東令王君碑

閏以正時時以作事事以厚生生民之道於是乎在故以此飭

戒百官使奉行之則序不愆民不惑事不悖而衆功皆美

帝曰嚳咨若時登庸放齊曰允子朱啓明帝曰吁嚳訟可乎

嚳當爲嚳

見說文

今文爲訓咨

見後漢書崔篆傳劉寬碑魏元不碑

說訓咨爲訪問也

劉寬碑云訓咨聚僚魏元不碑訓咨儒林

登升庸

用也

釋詁文

亮言我訪求能順時者升用之此求賢居司馬之職也司馬之職不修則風雨不時霜雪不

降故云若時唐虞三公一曰司馬二曰司徒三曰司空司馬天公也司徒人公也司空地公也見大傳

齊臣名舊說朱爲丹朱疑謂驪兜也驪兜一曰謫朱山海經海外南經云謫國在朱方東或曰謫朱兜頭朱一燈之轉語言之異允蓋所封國子蓋

其爵也於時驪兜爲司徒見博物志故放齊薦焉言其志意開達性識明悟可任若時之職蓋以諸侯入

爲王官後伐而流放之耳吁驚語也說文口部文口不道忠信之言爲闇訟爭辯也春秋傳曰顓頊氏有不

才子掩義隱賊好行凶德醜類惡物頑罔不友是與比周天下之民謂之渾敦是闇訟之事也乎語餘

上聲越揚以永之言不可也訟或爲庸釋文云馬本作

帝曰疇咨若予采驪兜曰都共工方鳩僝功帝曰吁靜言庸違象恭滔天

采事也釋文此求賢居司空之職也司空主百事使承敎故曰若采言予者重其事也都於也共工臣

名方大也或爲旁鳩聚也釋文或爲速或爲救僝布也史記或爲辱說文是部引作旁速辱功人部引作旁救僝功蓋作救者古文尙書也假救爲速也以勞

定國曰功說文力部文時共工爲司空治河故言大聚百事以布其功言其任事不可易竹書紀年云堯十九年命共工治河揚子雲司空箴

有象恭滔天之云是今文說共工爲司空故用此經以爲說也靜善也今文爲靖違僻也恭本爲共今文作龔具也設也滔水漫漫大貌見漢書王

傳舊說共工善言其用僻似恭慢天方鳩僝功似有設施者之象使水滔天而已何若采之有謂共工

振滔洪水壅防百川墮高堙庫以害天下也見國語淮南本經訓賈逵國語注謂疑古文象共爲濠洪共工爲炎帝之後與高辛爭而王非

帝曰咨四岳湯湯洪水方割蕩蕩懷山襄陵浩浩滔天下民其咨有能俾乂僉曰於緜哉帝曰吁咈哉方

命圯族岳曰昇哉試可乃已帝曰往欽哉九載績用弗成

四岳四方諸侯也

見漢書百官公卿表今文說也

四方諸侯隸於方岳謂之方岳其卿官掌岳事者謂之伯東爲陽伯南

爲夏伯西爲秋伯北爲冬伯以掌岳事亦號之爲四岳非官稱也堯初蓋羲和四子爲之通侯伯四爲

八伯堯以共工振滔洪水故總咨四方諸侯求賢以代之湯湯水盛大貌

毛傳洪水水不遵道也說文洪

水不遵道也

方之言溥也徧也

古字方

割害也字或爲害

見詩唐風譜疏引

蕩蕩水漑漑也今文爲濛濛濛濛流也字本

向書今

懷抱也

文選北征賦

字本爲寔

漢書地理志引作寔

大旱曰陵

釋地

浩浩莽沔無涯際之貌咨憂也

各作

憂能才能俾使又治也

釋詁

今文又爲變

見說文刀部近儒皆以此等爲古文非也

言此湯湯然盛大不遵道之水溥徧爲害蕩

蕩然抱山駕陵彌望莽沔無有涯際浩浩然漫天下民有切己之憂汝諸侯中有才能者使治之僉皆

也

釋詁

於歎詞短言曰於長言曰烏乎

鯀禹父於時爲崇伯謫言之閒也

已意相違戾也今文方爲放

詳前漢書傳

命五常之命圯毀也

釋詁

或爲醇

見說文

以亂天常告頑舍罔無與爲儔匹也昇舉也

說文廿

試用也

釋言

可不可也語之急乃曳詞之難也言帝

其舉之哉試不可用乃可己之堯於是命往治水救之敬其事載歲夏日祀周曰年唐虞曰載載始也

取萬物終而復始用施行也

說文卜

弗者不之深也

公羊桓十

三載考績三考事功施行猶不成明於時黜

鯀

帝曰咨四岳朕在位七十載汝能庸命異朕位岳曰否德忝帝位曰明明揚側陋

朕我也異讓也堯之長子監明早死見丹朱之不肖不足以嗣天下乃求賢以異于位尚書中否不也

今文爲鄙史記作鄙忝辱也釋言言衆人無庸命之大德皆忝辱帝位者辭不堪明明察也釋言揚舉也說文手

舉也或爲敷側伏也高誘淮南原或爲仄見史記索隱五帝本紀贊隱隱也釋言舜之潛德堯實知之故令四岳察

舉伏隱在下能用命者意在舜也一說明明謂察實臧也史記作堯曰悉舉貴戚及疏

師錫帝曰有鰥在下曰虞舜帝曰俞予聞如何岳曰瞽子父頑母嚚象傲克諧以孝烝烝乂不格姦

師四岳師謂八伯也爲諸侯之長故稱師御覽引中候云伯禹在錫貢也釋詁云錫貢賜古者諸侯貢士八伯

知堯帝故以舜貢帝鰥字或爲矜無妻之名見史不拘老少書疏引虞地名今山西虞城縣是蓋舜所居

堯因而封之後以爲有天下之號舜名重華稱號曰舜因爲德謚自堯以上王者子孫據國而起功德

浸盛故造美謚舜禹本以白衣砥行顯名升爲天子雖復制謚不如名著故同名焉御覽七十七禮謚法

曰仁聖明盛曰舜見白虎此稱虞舜者史氏追錄之詞俞然也聞知聲也往曰聽來曰聞舜年二十以

孝聞於天下于時年三十矣故堯然四岳師之舉言我已知其聲復究其德何如詳審之欲與衆著之

也瞽蓋官名國語云虞幕能聽協風以成物樂生者也鄭號文公說耕藉之事云先時五日瞽告有協

風至周是聽協風瞽職也左氏傳云自幕至于瞽瞍無違命昭八然則瞽其世職歟頑愚也廣雅釋愛利

子謂之慈反慈爲闇象舜異母弟也

見列女傳

敬愛兄謂之悌反悌爲傲賈子遺誥術篇文諧和也

釋詁

蒸蒸厚也

毛詩津水傳文

姦私也言舜父母頑闇憎舜愛象象又倨傲不敬愛兄舜能諧和之承事父母以孝蒸蒸然厚以和孝

內治不入于私一讀以孝蒸蒸言孝德之厚美也

見王引之述聞

帝曰我其試哉女于時觀厥刑于二女釐降二女于嬀汭嬪于虞帝曰欽哉

其者將然之詞今文說曰試用也我其用之爲天子也書說舜爲太尉蓋於此時錫命之

御覽引中候記河起春秋合誠

圖河圖經佐輔皆有舜爲太尉之文紀年云堯七十年使四岳錫虞舜命蓋錫太尉之命

以女妻人曰女時是也

釋言

諸視曰觀

說文見部文

刑法也二女長娥皇次

女英

見列女傳

今文說曰觀爾虞舜于天下不謂堯自觀之釐降下也

釋詁

嬀水名水曲曰汭嬪婦也

釋親文

在家稱女適人稱婦堯飭誡下嫁二女于嬀水之汭使修婦道于虞欽哉敕詞性情之大人道之始莫

若夫婦夫婦者綱紀之首教化之端萬福之原皆基于敬

愼徽五典五典克從納于百揆百揆時敘賓于四門四門穆穆納于大麓烈風雷雨不迷

愼順也

古字愼順通用

徵和也

史記徵作和

父母兄弟子謂之五品義慈友恭孝謂之五教父義母慈兄友弟恭子孝

謂之五典從順也納猶選也

廣雅釋詁

揆度也

釋言

時之言承也

見述聞

敘順也

釋詁順敘也

賓讀爲擯却也四門

明堂之四門穆穆肅靜之貌大麓蓋山名迷惑也此言舜爲太尉舉八元使布順五品和之五教內平

外成舉八凱使主后土選百事以揆度之莫不承順地平天成流四凶族擯之于四門之外投諸四裔

四門莫不肅穆清靜舜舉十六相去四凶有大功二十而爲天子故以此無違教無廢事無凶人歸功于舜明其爲天子之由其契爲司徒稷爲司馬禹爲司空卽於此時大麓禪位之處也大傳曰堯爲天子丹朱爲太子舜爲左右堯知丹朱之不肖故推尊舜而上之屬諸侯焉致天下於大選麓之野然則大麓禪位之處也古者天子命大事則爲壇於國之外堯將禪舜故選大麓之野爲壇以命之於時天意大變以明去唐適虞其後禹受舜禪亦致此異

大傳說舜禪禹之事云推十有四配鍾石笙管變聲樂未罷疾風發屋天大雨雨帝沈首而笑曰明哉非一人之天下也白虎通災變篇

引樂稽耀嘉曰禹將受位天意大變迅風靡木雷雨晝冥以明將去唐而適夏也

不迷見舜爲天子若固有之

帝曰格汝舜詢事考言乃言底可績三載汝陟帝位舜讓于德弗嗣

此大麓命舜陟位之辭也格來也乃猶汝也可猶合也績事也陟登也唐虞考績之法敷奏以言明試以功故堯召舜前言我詢問明試之事敷奏之言汝所言致合於事三載矣汝能庸命可登帝位嗣繼也今文作台台讀曰嗣見史記太史公自序舜推讓於德不堪嗣位魏汧明曰昔堯得舜事之三年而後乃相知也

魏策則三年謂徵庸之三年也

正月上日受終于文祖

正月堯正月也軒轅高辛夏后氏皆以十三月爲正少昊有唐有殷皆以十二月爲正高陽有虞有周皆以十一月爲正

宋書禮志引詩推度災文

舜於時未改正也日尊於月不言正日言正月者積日爲月物隨月而變